

光緒太平續志卷之五目錄

人物志

寓賢

余濬 繆監

仕進

戚學標 黃濬 陳斯善 金煦春

陳澧弟濱 張思哲

遺逸

葉慎 陳焯 李成經 沈冠儒子樹棠 孫卦初

光緒太平續志

卷之五 人物 目錄

一

林茂岡 王瀚 葉煥 陳瑞圖 黃治

林壬 葉蒸雲 馮賜賢 林藍 吳會申

趙佩訓 沈文露 陳殿英

義烈

阮敬熙子泰恩 晉恩 錢長春等

一行

章居豸吳世衍 葉竺菴 邵良仁 陳文哲 趙德池

蔣天植 陳守先子廷福 周志良 阮天章

徐兆耀 許宇焜 曹明海 范朝鎮

郝鳴鍾

金起隆

金雙南

孫鶴書

楊全士

李珂

柯旦

毛人懷

盛霽明

陳佩綸

林葵

張一枝

應峻

韓士良

陳羲

葉榮琪

光緒太平續志

卷之五

人物目錄

二

光緒太平續志卷之五

人物志

林志人物分十五門宦業之上冠以名臣隱逸之後復有遺逸其複纏類如此戚志并爲六門其見卓矣今析節孝爲列女志兼採名媛而仙釋方伎仍入襍人蓋以仕進當史之列傳而遺逸義烈一行則猶史之逸民忠義獨行也夫一邑之人才有限分則見少合則見多名臣宦業必由仕進之途理學文苑或在遺逸之列節義俠行閒入義烈之中孝友厚德皆爲一行之選冠以寓賢邑之文獻亦略備矣

光緒太平續志

卷之五 人物 寓賢

一

寓賢

余濬鐵嶺人

見戚志
營員

都督成龍曾孫由漢軍駐防杭州

擢嚴協左營中軍署湖協溫協都司實授太平營守備

遂家於縣治之西

採訪
冊

繆監字心周號翼雲黃巖後繆人邑諸生抱道自重性剛直見義勇爲耿介自持不爲利疚道光中往來太平與邑廩生金調侯燮元增生趙八愚佩訓學博金鏡人煦春金瑞庭有祥陳芑東澧廩生屈畹香宗儒馮燦淵

芳爲道義交以品學相砥礪由是邑之學者始知尙程朱之學蓋太平自周鏡初鑑後道學絕響學者有欲聞之而不得者及監至人皆相見恨晚論者謂與宋之葉水心略相似其卒也邑人爲營葬於溫嶺孟家隩門生

阮晉恩題其墓

陳志稿

仕進

戚學標字翰芳號鶴泉澤庫人天才高邁旣冠從齊侍郎召南於萬松岡內外生數百人推爲高足充乾隆乙酉拔貢中順天甲午舉人尋館曲阜孔氏盡發其藏書

光緒太平續志

卷之五

人物 寓賢

二

而讀之由是聞見益博師友極一時之盛居數年丁外艱歸踰年孔氏來迎復赴曲阜辛丑成進士歸班需次十餘年始授河南涉縣知縣縣僻小苦闕布征爲申詳減派邑有任公渠久淤塞首捐俸開鑿焉累兼署林縣有故邳州知州子康某兄弟爭產集太白句爲斗粟謠以諷皆感悔撫綏旣久訟庭清閒惟以讀書著述自娛在任十三年以忤學使鮑公桂星罷歸丁丑丁繼母艱服闋授甯波府學教授越三載歸厯主省垣紫陽崇文兩書院講席年旣耄手不釋卷詩宗少陵古文雅近柳

州半山尤長於考證嘗言六書三日形聲而聲隨乎氣氣有陰陽韻書行而諧聲之法廢乃爲漢學諧聲二十四卷徵引極博盡去徐氏所附音切以還說文讀若之舊其毛詩證讀劬引本經博采三代有韻之文下至子史詞賦以證之又論古人文不嫌疏後來文惠太密如孟子國策皆有閒架但變化任意因其自然不似後人之拘也其爲文風發泉湧足以扶植綱常裨補經傳於鄉邦文獻尤所究心所修太平縣志蒐羅羣籍既博且精所輯台州外書三台詩錄風雅遺聞等書皆徵文考

光緒太平續志

卷之五 人物 仕進

三

獻之作也其他著共十餘種具詳前志書目道光五年

卒年八十四子祖姚候選知縣祖光邑庠生早世

國史
儒林

傳稿北
山文鈔

黃濬字睿人號壺舟鳳山人拔貢際明子領嘉慶戊辰鄉薦道光壬午成進士以知縣用簽分江西歷知萍鄉零都臨川東鄉贛縣彭澤六縣署南安府同知所至振興文教得士人心歲辛卯以彭澤客舟遭風失銀誣以民間行劫被議落職姦民乘機復誣以他事至戊戌謫戍烏魯木齊己亥抵戍所年六十一矣乃名寓齋曰四

素堂自稱四素老人仍爲上官閱卷及掌教學事壬寅
檄管鐵廠充是役者十年之戍得減三年會癸卯夏巴
里坤地震城圯都護惠吉 奏請重修檄充督催之役
甲辰十月城工成都護惟勤 奏請議敘得釋回之

旨時十二月十四日也明年四月東歸丙午抵家丁未
主講黃巖萃華書院戊申移主太平宗文書院咸豐癸
丑移主鶴鳴書院年八十餘卒無子濬瀟灑風流不拘
繩尺博覽羣書兼通釋老善書翰工詩能畫爲文亦跌
宕可喜林文忠則徐嘗敘其集稱其詩若文渾涵萬有

光緒太平續志

卷之五 人物 仕進

四

不主故常汪洋恣肆惟變所適窺其意境若長江之放
乎渤澥竹木扁臚不遺巨細而無乎不達云所著有夏
小正注一卷周穆紀傳一卷萍鄉縣志十六卷衍儀一
卷漠事里言一卷紅山碎葉一卷東還紀程二卷黃庭
內景玉經玄解一卷壺舟詩存十五卷音韻集一卷其
詩存一書表弟江惠風爲梓行二弟渲治渲號薌谷著
有三檜軒詩文集渲子寶醕有少谷詩文集治自有傳

見遺逸

陳志稿壺
舟詩存

陳斯善原名善字積厚號蘭友南城人歲貢世環孫嘉

慶癸酉拔貢藍旗教習以知縣簽分陝西道光十七年署米脂縣十九年署大荔縣有富紳以國服鼓樂演劇事聞以賂進不受罰銀三千兩建文昌閣命紳自經紀絲毫無所沾染明年丁內艱歸建宗祠置祭田二十三年服闋赴陝署咸甯縣明年復署大荔邑向例銀價由官定官欲出銀則定貴價欲入銀則定賤價斯善令錢業自定價官無預焉衆商以恩恤市廛扁頌之二十六年四月署郿縣會天久旱不待詳准卽停徵賑饑明年丁外艱歸三十年又赴陝是年冬檄署富平訊詰積案

光緒太平續志

卷之五 人物 仕進

五

數旬之內獄爲一空咸豐元年十月署三原縣有富宦李文保爭繼前令受金而不爲結斯善日愛繼既有定例豈容延宕爲定嗣立案繼者德之私饋銀券數千揮斥不受聞者歎服二年七月署咸甯縣十一月調署汧縣修城浚隍明年十月隨臬使推問郃陽令得贓事案旣定復委審神木縣疑案初縣有張姓行賈出外以女寄鄰家鄰婦不潔恨女見之縊之死移屍他室誣陷他人縣令來驗以自縊詳銷其父歸心疑出控官不爲理遂叩閭得 旨交巡撫審訊斯善反覆推勘得實 奏

結有攘其功者各大憲均加級獨無斯善名付之一笑
灑如也在陝署理八縣上官知其勤能故委任絡繹無
賦閒時每至一邑所有訟事不待經胥送稿隨訊隨結
案無留牘故去官之日懸扁留鞞頌聲載道一至省垣
必派入鞫局研訊無晷刻暇竟以積勞成疾四年三月
卒於省寓年六十四黃大令濬爲之傳論曰公之制行
不苟其出仕子身數千里外不蓄姬侍無俗情也歷任
轉移無實邑中心淡然不熱中也官經數政不名一錢
無利心也承審有功賞爲人攘而無言息競情也公之

光緒太平續志

卷之五 人物 仕進

六

素風可軌矣

金煦春字步蟾號鏡人水洋人性孝友博通載籍家素
封喜義舉與同志創建宗文書院於橫峯之側咸豐丁
巳由廩貢歷署會稽教諭富陽訓導撫憲札飭捐辦軍
餉保升光祿寺署正尋報効閩省軍需陞江西補用知
府十一年冬粵匪陷邑城時卸篆守備張纘成留太未
歸邀至家同率團勇攻復之同治元年仙居天台倡義
擊賊指困助之復賑婺源飢民全活無算捐建郡城校
士館朱子祠費各千緡郡守劉公璈器重之時議建金

清總聞檄煦春爲首董焦勞成疾丙寅二月卒年五十
四著有修齊要語一卷詩經集解二卷讀古樓文鈔十
六卷詩鈔四卷彙輯雲浦文鈔二卷子四鶴年鶴書鶴
皋鶴聲光緒五年鄉人請祀鄉賢以年例未合罷阮尙
材爲之傳

陳澧字欽旂號芑東東陳人增生一聲子由歲貢歷署
嵯縣訓導樂清教諭甯波府學教授所至有聲歸里後
主講宗文東嶼兩書院從遊者日益眾同治壬申知縣
吳公俊聘修邑志草創未就吳公卸篆事遂寢卒年七

光緒太平續志

卷之五 人物 仕進

七

十二著有棣萼樓詩草弟濱字光旂號少湖以父一聲
號淡湖也一聲言規行矩教二子有義方卒後濱從兄
學澧愛弟孔摯濱承教惟謹受益無方丁卯登賢書學
師羊翊清以楹帖賀日二蘇學自老蘇得小宋名先大
宋傳可謂擬必於倫矣濱後授嵯縣訓導嵯諸生欣然
曰是芑東師復至也在任十八年卒於署子鳳祥光緒
癸巳舉於鄉克世其學

採訪冊

張思哲字朔明號浚鄉西城人年十五入邑庠逾二年
食廩餼同治甲子歲貢光緒初舉孝廉方正以教職用

歷署雲和嘉善西安諸學所至皆以實學課士嘗主講
鶴鳴書院嚴館規勵實行門下多知名士平居潛心古
訓書滿几案雖小兒女滿室嘈襍常手執一經蕭然若
無聞見也爲人鬢眉秀麗氣象溫和不苟言笑遇非禮
事毅然不可奪著有藻春吟稿丁亥六月卒年六十一

採訪冊

遺逸

隱逸遺逸林志複見戚志并爲一門是也顧削遺逸
而存隱逸則其義猶未善也蓋天壤之間真隱既稀

光緒太平續志

卷之五 人物 仕進

八

一邑之內逸民尤鮮如前志所載陳鳳飛者以會試
歿於京寓此豈隱逸者流信如論者之所訶己今易
其名曰遺逸則凡才足登科而阨於一第如丹峯者
皆得與於斯列而無慚矣

葉慎字允修號恆陽牛橋人秋官鳳靈子十餘歲而孤
羣侮蝟集不遑不校服闕補博士弟子員往從王陽明
先生於會稽得聞良知之旨躍然曰是矣是矣聖人決
可學而至也既歸徧以其說語鄉人鄉人聞而駭之呼
爲葉聖人慎不爲訝持之益力時有以隨處體認天理

爲教者又有以洗滌心垢爲教者慎獨曰理非外鑠心
本無垢其超悟自信類如此性剛直肯面折人過然曾
無城府未嘗逆億也嘉靖甲子卒年七十七臨海陳南
衡祠部錫序其集仙居林介山同知應麒銘其墓稱爲

葉貞士云

介山稿略
補前志一

陳焯字振九南城人性方嚴不苟言笑讀書務通大義
齋中常懸一聯曰一語不能踐萬卷徒空虛蓋蘄至於
聖賢躬行實踐之學者雍正辛亥入郡庠尋遭父喪哀
毀盡禮養母務得歡心秋闈三薦不售遂絕意進取鶴

光緒太平續志

卷之五

人物 遺逸

九

溪北距城三面皆山秋潦大至毀屋傷稼居民苦之歲
乙卯焯請於徐令元肅督工疏濬水患乃平乾隆甲戌

左令士吉勅建鶴鳴書院命焯董其役

案戚志陳際清
葉炳璣林秀起

等董其事
無焯名

鶴溪歲久淤漲復請於蘇令惠民興工加浚

深廣倍前下帛壘石築大堤若長虹自是水患永息家
素封而飲食服御皆尚儉樸故自號樸齋以見志子拱
妾胡氏出才三歲而焯卒其友周鑑爲之傳以爲儒者
讀書上之希聖希賢次之功名垂竹帛最下亦必有三
數事有功德於人者樸齋自少有志賢聖雖不能至猶

不失爲鄉里端人而築鶴溪堤建鶴鳴書院皆身任其勞利賴於士民者不淺若其樂善好施扶危濟困修宗譜建宗祠猶其小焉者也

周鑑陳樸齋傳補前志二

李成經字敬五號味三長嶼人乾隆乙酉拔貢學問該洽尤留心梓里文獻所編方城遺獻八卷續一卷皆邑人之詩也好吟詠與田簪園邑侯唱和極多未嘗以私事干謁人皆賢之著有古香樓詩鈔四卷

採訪冊以下續

沈冠儒字毓荆號肆三新河人嘉慶壬戌歲貢祖時號及齋父敬簡字良修號一峯皆諸生冠儒沈思力學每

光緒太平續志

卷之五 人物 遺逸

十

試輒高等嘗游武林張守田之門守田深器之以詩賦受知於學使朱石君目爲雋才居鄉有厚德凡貧不得食喪弗克舉者輒周濟之有園曰愛南襍蒔花木客至張飲花下具筆硯賦詩嘗與戚鶴泉李敬五林澹園相唱和邑令過訪片言酬應不干以私壬申九月卒年六十七著有愛南園詩文稿子樹棠字起恩號憩亭附貢生品行端方鄉里推重孫卦初字六謙道光己酉入庠咸豐三年大水四年海溢開倉平糶復遣人至象山糴諸絲貧民人日給半斤同治辛未重建縣署丞廳勑校

士館卦初分董東鄉蠲輸不足揮斥踰千金由是名噪一時云

新河志

林茂岡字邦協號澹園中央園人嘉慶辛酉拔貢是年與陳鳳飛同領鄉薦爲國朝太平南闡破天荒截取知縣加太常寺博士銜品端學邃爲文根柢經義十六年分收邑志道光二十二年董修縣城奉旨以急公好義旌表建坊東外河頭初賓興田畝歲久侵蝕茂岡力爲釐剔始獲復舊晚年以詩文自娛不干外事著有

溪西集集陶詩草澹園詩草從祀鄉賢祠

陳志稿

光緒太平續志

卷之五

人物 遺逸

十一

王瀚字聖涯號灝亭縣城人道光壬午歲貢偉貌修髯博聞強識性好古凡鼎彝書畫一見能辨其真贗尤深於詩歷主玉環蒲田及邑之鶴鳴書院從遊最盛若林芷生大令芳陳丹峯孝廉鳳飛葉杏人孝廉保趙篠山拔貢魏葉閻帆拔貢蒸雲皆其弟子也卒年九十餘所著有灝亭詩集六卷補遺一卷桐花館賦鈔一卷魏溪襍俎四卷百花詩二卷詩餘一卷殺風景八卷隨筆二

卷藏於家

採訪冊

葉煥字國衡號新齋縣西人道光庚寅歲貢本北山林

氏明烈士勿齋霄之裔家貧力學淹貫諸經尤邃於易事母以孝聞與季弟國載最友愛平生言動介然不苟性恬淡嘗擬靖節五柳先生傳以寓意晚年兼通堪輿子平諸書雖屢驗不輕道蓋不欲以此自見也人謂可

方諸周鏡初先生云

葉志
稿

陳瑞圖字兆印號香苑別號少蘭生北城人道光丙申恩貢都司隆耀次子也能詩文通經學好古書畫精於鑒別收藏唐碑宋槧元明人名蹟甚夥儲書數萬卷而性耽飲經籍之旁不廢杯罍邑中義舉若修文廟明倫

光緒太平續志

卷之五

人物 遺逸

十二

堂尊經閣文昌祠及關壯繆韓昌黎朱文公等祠置朱子祠田增鶴鳴書院田浚學前溪修橋鑿井事無鉅細罔弗預至於議敘則讓之同事者焉著有樂吾樂齋詩集道光癸卯卒年七十二子壽璐國學生其甥黃大令

濬爲之傳

採訪
冊

黃治字台人號琴曹改今樵濬之季弟也性豪爽詩與畫與兄埒兼通醫理隨兄遠遊徧交當世士大夫墳簞唱和詩流傳江右人比之蘇氏軾轍焉而友于之誼尤篤兄被誣獲譴將戍邊治在都聞之卽辭館赴江西萬

里從行冰天雪窖辛苦同之居塞外七年隨兄東歸補
應歲試學使吳公鍾駿以義之實從兄是也命題蓋嘉
之也著有伊洄錄一卷孔懷錄一卷圖南錄三卷荆舫
隨筆一卷亦游詩草一卷竊餘賸草一卷卍雲齋詩鈔
若干卷

陳志稿
採訪冊

林 壬字信芳號鶴岑邑城中央園人幼讀書卽通大
義閒習舉業高古雅淡迥絕恆蹊年弱冠入邑庠一試
棘闈膺薦不售遂絕意進取惟專力於治經壬嘗謂易
詩多用韻然詩有隔叶易則無之毛西河需卦上九以

光緒太平續志

卷之五 人物 遺逸

十三

失字與上九四爻外敗字叶韻謂爲隔叶實屬非是詩
雖有隔叶亦出於天籟之自然非如今人依韻而作也
顧亭林作詩本音於桑中篇首章末句上字謂可作平
聲讀與章首桑鄉姜隔叶已不識陽與東通矣次章及
三章明明無可叶乃云以後章韻前章仍與第一章首
四句隔叶則是隔兩章叶矣尤爲牴謬又嘗著喪禮辨
謂三年之喪古實以二十五月王肅據檀弓立論其說
原是鄭康成注儀禮中月而禫謂中間也與大祥間一
月自此祥後一月而禫之說起而二十五月與二十七

月王鄭二說竟不可合後人遂併疑及經文不知中月二字當就再期後中空一月言非謂大祥後又一月也謂士三虞乃一定之禮大夫五諸侯七當是多其數以審其祔廟之期未必拘也後人不達經意謂天子必九虞則與卜葬先遠日之旨不合謂小祥大祥皆卜吉在初忌二忌之後非卽用初忌二忌之日吉祭喪祭以祭時所用之器言及檀弓孔子既祥五日彈琴而不成聲十日而成笙歌謂十日上當有既禫二字凡所考證皆極確鑿非好學深思未易得此也性淡泊不慕榮名同

光緒太平續志

卷之五 人物 遺逸

十四

治初元 詔舉孝廉方正有司欲以王應鄉里亦僉謂此四字惟王克副勸駕者甚衆王力拒之終不就生平酷嗜陶淵明詩寢食枕饋不暫釋閒集其句如新脫諸口讀者忘其集也年八十一重遊泮水縣大夫親爲舉觴時論榮之卒年八十八歲所著有經說集粹喪禮辨正餘餘集集陶前後編藏於家 稿 柯

葉蒸雲字建霞號閭帆亦作朗凡縣城人年十八入郡庠踰冠食餼二十五充道光丁酉拔貢 國朝太平由郡庠得選拔自此始也天賦敏異爲文踔厲風發一往

無前繼而究心經史學益純實與弟華雲蔭雲相友愛
連牀課讀殷殷不倦皆相繼遊庠終其身不析鬻子光
紱同治丁卯登賢書門下士亦多騰達者歲壬申與陳
澧總修邑志未成而罷著研露點易山房駢文六卷印
香吟室詩鈔四卷我聞錄一卷辛壬寇略二卷採訪冊
馮賜賢字履豐號薑圃新河人驄從父同治壬戌 恩
例副榜家貧好讀書廉介不苟取歲庚午吳令俊爲其
父母壽賀客盈門賜賢獨獻詩爲壽令知其貧以白金
四餅賜其子賜賢受之出曰此金頒自邑侯當與邑人

光緒太平續志

卷之五 人物 遺逸

十五

共之盡以其金付石工俾市石砌路焉

陳志稿

林藍字璧人所居堂後有池曰琴池因以自號中城人
邑廩生少穎悟美丰儀讀書不事刻苦一覽了然工書
善畫蘭竹尤妙彈琴圍棋靡所不能嘗與馮芳楊鸞章
澗等結修梅吟社詩亦磊落有奇氣詩酒之暇信筆作
水墨圖障輿酣潑墨滿紙煙雲甚爲藝林所珍重林施
溥秉鐸婺州藍隨之出游才名大譟後歷越州遊蘭亭
歸尋卒年未中壽也聞者莫不惜之中局訪冊
陳志稿
吳會申字如芷四都車江人家貧力學初泛濫於釋老

後乃專心四子書其論性善有云天賦人以性猶澤物以雨雨無不清性無不善一落氣質則有善有不善如雨降於山則爲山水降於河則爲河水降於海則爲海水水有清濁鹹淡之不同然其初則皆雨也無不清也無不淡也觀此而性可知已同治初粵賊授以僞職不受陳學博澧嘗序其行以美之

南局訪冊

趙佩訓字楚良號八愚邑增生保舉訓導先世由關嶼遷潘郎橋之西山金出繼母舅鄭氏至父繼盛復姓趙佩訓偉軀幹善議論剛介矜莊儼然人望而畏之好宋

光緒太平續志

卷之五

人物 遺逸

十六

儒學期於躬行實踐強仕喪耦不再娶明於世務解紛釋訟有疑難事片言裁決無所滯邑中義舉若建琅隩開勅宗文書院及廣學額皆佩訓佐成之咸豐癸丑大水爲灾家藏穀僅百餘石盡出以濟人竝隨時設法或市苧棉令其紡績度日或假貲本使其經紀營生賴以存活者甚衆及粵賊之亂六邑俱破惟佩訓所居鄉獲全鄉人至今感念之同治己巳卒年五十七子士崧雲崧皆諸生

採訪冊

陳殿英

一作段因

一名蟾字桂舟別字倦圃號胎禪子晚號

破環遺老性至孝世父疾躬親湯藥衣不解帶者數月
侍世母疾亦如之生父疾顛神請命冀以身代卒不起
喪葬皆盡禮愛兩弟無違言家貧課學自給介介不苟
取與人交溫雅坦中無少年名士習氣同治中由附生
保舉訓導例貢太學將以縣丞需次江蘇楊中丞昌濬
檄監敷文書院初從學同邑黃大令濬繼從全椒薛觀
察時雨遊而獲益最深者莫如德清俞太史樾居西湖
亦最久師弟相得最深詰經精舍課卽高等所著有五
經要議十卷道德經疏二卷與竹石居文集二卷資游

光緒太平續志

卷之五

人物 遺逸

十七

藝室詩鈔二卷尤工於書自鐘鼎甌石款識周鼓秦碑
漢唐隸南帖北碑下逮蘇米趙董諸家舉筆學之無不
曲肖嘗一日書三十六幅備三十六體流輩推爲獨步
又以餘事旁及竹石花鳥神韻采色渲染生動兼工鐵
筆玉石牙晶悉臻其妙善刻摩厓大字俞太史湖上題
名以百數皆殿英鐵筆也提督歐陽健飛慕其名聘至
幕中刻紀功碑一時稱爲絕筆果以是絕筆矣光緒己

丑卒於鄞年五十八

採訪
冊

義烈

阮敬熙字仁培號緝軒議敘翰林院待詔其先自黃巖九峰隩遷澤庫赤手致富好善樂施咸豐十一年十月粵賊入台陷天台仙居臨海黃巖敬熙見事不可爲先散質庫財物給還貧人然後從容盡節事聞奉 旨入昭忠祠廕一子入監讀書子四人長泰恩字賢翹號楷雲才識明瞻由增貢歷署處州府學象山縣學訓導穆廟萬壽象山令不行慶祝禮諸生詣縣請補行令怒誣以抗糧闕堂罪泰恩據實申詳上官諸生由是獲免明年令中以他事罷歸入都例授中書舍人歸而卒次

光緒太平續志

卷之五 人物 義烈

十八

晉恩字賢萼號馥雲同治乙丑補行辛酉壬戌舉人例授戶部主事河南司行走假歸不出居鄉有厚德癸丑水災甲寅海溢皆奉父命給米施粥後與弟萃恩重建節孝祠光緒壬辰卒年六十五三萃恩字賢杰號曉雲光緒中例授廣東靈山縣知縣加同知銜採訪冊剿寇陣亡冊

粵賊之亂先後檄調征勦者凡數百人咸豐八年三月朔遇賊江山五里亭戰失利初次所調百八十人
生還者僅二十餘人耳得報時哭聲震里巷耳不忍

聞嗣後戰歿及軍營病故者亦復不少其爲 國捐
軀一也今寇亂肅清將弁陣亡者咸蒙 恩世襲矣
而從征之士血膏原野骨委荆榛姓字不傳能無銜
恨嗟夫痛定思痛亂離之後重見天日亦若輩致命
疆場之力也謹備載之亦以爲效忠者勸

葉志稿

把千

錢長春

總把

袁鷹揚

劉光裕

後陞守備見
浙江忠義錄

金保國

邱兆熊

謝登連

葉志稿
止此

林立中

外額

林景華

六品
軍功

林現彪

以上四人據採訪冊增
葉志稿現彪入兵丁中

丁兵

周金龍

鮑經高

張連升

葉丙庚

林昌國

光緒太平續志

卷之五

人物 義烈

十九

方殿升

盧良敖

林金忠

邵昌榮

趙維德

朱秀標

金恩拔

李建敖

許邦麟

邱丙行

林顯池

林加太

楊永春

黃高魁

王升標

江現龍

鄭鳳魁

右江

陳學標

曾加亮

蔡金榮

阮兆太

元金山

林學明

杜昌輝

林仲文

謝昌華

何其太

張丙榮

盧良彪

王金海

潘顯龍

孔傳國

彭鳳飛

阮兆昌

俞夢龍

阮啟太

曾立功

張體俊

童錫順

金振瑞

曹際敖

林枝魁

金秀敖

張朝虎

張禮懷 金秀林 汪池魁 洪永得一作得永

林殿敖 吳明東 毛鳳山 翟恩魁葉稿林現彪在此名下

林朝魁 潘禮堂 楊立壽 江丙榮 邱友太

林順啟 周金方 項丙盟 阮兆林 陳恩魁

朱金堂 林子將 高云魁 彭福山 陳金昌

陳建敖 吳錦魁 陳開太 蔣顯清 張其魁

張祖魁 林朝清 張錦云 林廷藍 朱鳳岡

季金榮 張得耀 邱有魁 邱兆林 麻連升

林保勝 陳其敖 王宗魁 葉榮貴 邱兆魁

光緒太平續志

卷之五

人物 義烈

應福鑑 姜啟高 元金敖 洪兆林 鄭古恩

姚茂魁 章成龍 陳上玉 韓升有 徐昌其

蔣顯見 林岳魁 周孚標 潘得太 蔣加松

朱加攀 鄭中秀 葉茂升 張榮鑑 黃良魁

陳興吉 張加林 羅其占 梁成林 謝志富

葉邦林 林立舉 阮兆隆 連士泰 張鳳山

曹得順 林得耀 邱金龍 季金彪 徐興耀

謝錫華 梁星高 陳國祥 黃士昌 曾傳春

周賢敖 張永魁 陳連升 吳鼎隆 趙興標

黃顯明 陳貴勳 陳大亮 孔傳敖 張福朝

袁飛熊 林汝云 蔣加選 方永貴 洪大魁

毛金龍 羅加文 洪大興 姜金高 王金亮

馬殿魁 趙允清 元得隆 蔣得魁 周金敖

周開斌 李得標 杜得順 韓洪標 金秀魁

邱良才 蔡得榮 程萬順 馬永隆 顏金富

彭福恩 陳錦梧 范學方 右兵丁一百七十一名

案陳志稿云江山一戰太平營帶兵官四名千總

劉光裕把總金保國外委邱兆熊謝登連馬兵一

光緒太平續志

卷之五 人物 義烈

二十一

名洪得永戰兵四十一名守兵五十八名皆沒與

葉稿不同者蓋葉稿所載不止五里亭一役也

又案忠義祠祀義民七人皆咸豐十一年十一月

十四日勦寇陣亡者其姓名亦附列於後

金德順 季鳴高 朱迪賓 蔡茂才 案浙江忠義錄作正才

趙龍光 朱學然 葉永文

右共將弁兵民一百八十八人皆力戰而死者其

奔避不及被害者不預焉

一行

後漢書有獨行傳唐書遼史皆有卓行傳而方志之書或曰篤行或曰義行獨戚氏太平志標曰一行凡林志所載節義孝友厚德俠行諸目皆併入焉可謂簡而賅矣夫一邑之人才豈若一代之富必詳爲品目而紀述寥寥非所以爲鄉國光也今師其意補續凡若而人士苟有志不朽不必大者遠者也卽此一途亦足以信今而傳後矣

章居豸渭漳人家赤貧耕種爲業值歲饑至舅家貸穀適其父以負租被控押追居豸聞之挺身赴縣廷請代

光緒太平續志

卷之五 人物 一行

二十二

父就獄縣令頗聞其孝父子俱釋回居常與妻食糠粃而以米供其親遇隆冬以已衣衣其父而身常以單衣度歲父病思菱時方三月種菱之時遂身入水覓菱種供父食父病愈篤乃割股以進病良已越三歲而卒號慕不衰其後母病夏無帳居豸與妻執扇揮蠅日夜不倦康熙三十年知縣周宜振以忘身事親扁獎吳世衍消村人三十四年周宜振及縣丞胡皖以孝思弗替扁獎三十七年知縣黃華灼以孝行足嘉扁獎三十八年知縣何有略教諭郭銓以孝思不匱扁獎邵良仁虞隲

人三十七年黃華灼以行格蒼穹扁獎陳文哲山下莊
人性至孝不忍一刻離親側後父母繼亡廬墓三年李
邑侯以人子循禮扁獎鄭竺菴虞隩新基人亦廬墓三
年族戚以事亡如存扁贈之葉靈臺

陳志稿
作盛臺

字閣麟大

溪人從九品早孤事母至孝母沒廬墓三年里人以孝

行可欽扁其門

採訪冊補
前志一

趙德池字守先消溪人性肫篤自少以孝稱母病衣不
解帶及卒一慟而絕恍惚若有促之歸者遂甦強起營
喪葬卽寢苦靈幃翯越五月奉父命與兄扶柩葬於消

光緒太平續志

卷之五 人物 一行

二十二

山之麓請兄歸養父而已結廬墓側朝夕上食供奉如
生時如是三年父召之乃歸鄉人具衣冠迎之德池欲
然謝曰此人子分內事耳何足異也邑令以孝思不匱

扁獎事在乾隆季年

中局訪冊
補前志二

蔣天植號厚齋石橋人邑庠生性嚴潔與人誠信中年
喪耦不再娶學使鄧公鍾嶽以敦倫守義扁獎蔣氏未

有譜天植創爲之亦可謂能知所重者矣

採訪冊補
前志三

陳守先高浦人嘉慶十五年母林氏病亟以刀剖胸臆
閒深二寸許割肝救母洪郡守慶邑侯以愚不可及扁

獎見戚志
襍事

子廷福亦割股救母及母歿卧靈座側足不

出戶者三年既葬廬墓三年李邑侯以繼述稱善扁獎

光緒丁亥彙請 旌表建父子孝行坊周志良三都人

性誠朴雖生長式微能善事其親有割股療親事鄉里

咸敬重之

採訪冊
以下續

阮天章字朝政號倬軒澤庫人嘉慶丙寅貢

見戚志

有鄰

人借錢贖物爲盜竊去將覓死天章出錢屬其父母謂

曰錢故在鄰子終不知也亦能醫貧者施藥道光三年

卒年近八十矣

採訪冊

光緒太平續志

卷之五

人物 一行

二十四

徐兆耀松門人有膂力習拳勇嘗販甯郡歸至龍王堂

有盜艘尾其後兆耀持斧躍登其舟斃盜二十餘人提

督邱公良功巡海至松聞其名召見欲官之不受嘉慶

元年旱饑假縣倉米二百石徧給松民日半升秋成還

倉無力者代償之五年以事至南塘遙見盜掠商舶投

人於水號救慘切不忍聞兆耀立僱漁舟往撈三十餘

人皆延至家調養資遣之松城南關外潮淤斥鹵與同

志率貲運沙填築成坦途焉道光十年卒年五十九黃

茂才渲銘其墓

三檜
軒集

許宇琨字文玉南監人嘉慶壬申方弱冠父病篤一夕
焚香祈以身代遂剖心以救父父病愈而宇琨竟死妻
郭氏以節孝著曹明海字杏苑唐隩人剗胸取肝以療
親疾幸不死人稱愚孝咸豐六年知縣鄭煥聲以可以
爲難扁獎

葉志稿

范朝鎮字廷相虞隩人慕范文正之爲人因自號慕文
家素封好義舉捐學田勅宗祠無力者爲助婚營葬家
中有人學者則減租數斗歉歲亦如之倉穀開糶時價
若干後雖翔踊不再增價賤則遞減之有償債者必詰

光緒太平續志

卷之五 人物 一行

二十五

其錢所自來若鬻產所得勸勿鬻諭待贏餘時但收母
錢弗再取息也戚大令學標撰其祠記有云余修邑志
士大夫重君行義如萬石君王彥方欲列名志中以見
存格於例今其子孫食餼遊庠者踵相接足徵爲善之

報云

陳志稿案其子恆輝由廩貢署教諭見襍選

郝鳴鐘

鳴戚志作銘

字若乾號松泉白山人例貢生

戚志作監生

慷慨好義尊尙文學於里中建文昌閣捐資興田二十
畝又以邑學額少而人才日多乃獨力呈求加額晉省
入都不憚劬勞奉 旨著巡撫察實如果才多額少准

其核奏加廣無何病卒事竟不成今其子孫多遊庠者

陳志
稿

金起隆字誠脩南鄉冷水塘人所居瀕海自太平至玉環沿海塗泥十餘里潮汐時至滑澆不可行起隆集貲鳩工砌成坦道復建路亭起文昌閣籌置膏火田延師課里中子弟道光二十一年知縣劉旭以樂善可風扁獎林孝廉茂岡爲之傳

中局採
訪冊

金雙南字國楨號二風水洋人增貢生席先世遺業擴而大之自奉儉約衣不文繡食不梁肉惟以讀書爲善

光緒太平續志

卷之五 人物 一行

二十六

訓其子孫一言一動悉本性真財貨出入錙銖弗較而赴義若渴宗祠義塾或修或創無不樂輸玉成其美年既耄割膏腴田三百畝爲金氏義田遇歲歉按丁賑貨其子弟秀而貧者延師教之其子若孫於里之西偏構屋儲穀名曰義倉又增置田百餘畝云

陳澧義
田記

孫鶴書

字葆泉號聘三例給運同銜煦春子出後叔父纘承舊德繼長增高澎湖饑運米賑之山西大饑蠲銀助賑臨海甯郡有貧不克葬者斥貲揜埋之於龍打門建屋數楹俾樵者可避驟雨築臺松門渡使行旅不陷於塗泥

積穀山下西門港口皆有暗礁能覆舟晝則設表夜則懸燈以識其處令舟行者得避焉捐田三百畝爲藍田分水閘善後費光緒十六年卒年五十二將卒遺命其子自光於水洋渡設船以便行人其孜孜爲善至死不

怠如此

採訪冊

楊全士三都人農家子母病刲左肱和羹以進病遂愈後其家見臂上創痕如掌大驚詢之堅不承越九年母

卒寢柩側三年咸豐七年李令作楣旌其門

南局訪冊

李 珂字啟泰號醒樓關嶼下村人增生累葉清芬家

光緒太平續志

卷之五

人物 一行

二十七

貧甚以文學知名節母陳氏性方嚴先意承志事之至孝與從兄啟乾合爨兄沒寡嫂孤姪衣食待給日以所得脩脯供饘粥處之晏然門內無嘻嗃聲珂卒後子幼姪功高己長成家中食指日繁亦以一身支門戶廢學服費以謀朝夕如叔父之撫己也與再從弟怡怡友愛無異同胞鄰里莫不稱歎蓋李氏自其先世子厚本樂清諸生遷關嶼子峩以下而漢衢而配義配蔚而啟乾啟泰而功高功敘七世同居安貧守義閨門整肅代著

貞操無愧詩禮之家云

陳志稿

柯旦字旭初號曙谷邑城縣前街人年十二爲堂叔庠生應陶繼嗣時應陶已卒妾陳氏筦家政性嚴厲課督逾恆稍拂意卽予杖或盛怒杖至折旦泣承之無稍忤陳氏卒旦復爲之請旌於朝傾貲建坊雖家無中人產不計也生平不信佛法妻死子孫欲爲設醮嚴拒之同治九年知縣吳俊啟壽筵旦時年八十八歲鬢眉皓白朱履藤杖幅巾造謁吳俊望見稱爲人瑞卒年九十
一歲

毛人懷字德瑾大路莊人讀書明大義篤於孝行母善

光緒太平續志

卷之五 人物 一行

二十八

病視湯藥惟謹侍奉十五年不稍離左右母或遺溺洗滌必躬親不以假臧獲也母沒後事父亦然痛劬勞之莫報自號念劬以明志焉咸豐辛酉卒年七十三

採訪冊

盛需明字君德澤庫山坑人事親以孝聞親沒寢苦枕塊纒經在身卧靈幃者三年同治初奇田土匪入其家執其兄君玉去需明追不舍竟侍兄同去後贖回人勸其牒縣以先人有不可涉訟之戒迄不肯從卽此亦可

見其孝矣

北局訪冊

陳佩綸字香圃隆耀姪北城人平居自奉甚儉而急公

好義遇有善舉恆不恤傾貲以助先後捐輸數以萬計

同治十年盧方伯以好義可嘉匾獎

葉志稿

林 葵字景權又字錫經號衡珊 恩貢生邑城縣前

街人父定軒年六十七生葵甫週歲生母王氏卒遺繡衣一襲蓋手自縫紉爲葵試倅時衣也定軒命藏諸笥葵什襲珍之不敢輕每啟視輒涕泗沾襟數十年如一日八歲喪父哀毀如成人時葵嫡母早亡生母又卒旣孤賴庶母童氏撫育成立童氏歿葵爲之服衰三年所以報也性好靜日手一篇默坐沉思閒有心得隨疏記

光緒太平續志

卷之五 人物 一行

二十九

之故所讀書蠅頭小字夾注殆遍文章精細有法度詩體雅潔高言逸韻清氣往來躁心人未易領取書法亦娟秀爲人溫良易直藹然可親而立品莊重則又介然難犯年五十餘足迹從未一履縣庭宜其與堂兄壬一時竝稱鄉里端人焉

張一枝字定攀號馥庭橫湖人邑有朱姓者負債四十金朱亡一枝往索其妻將鬻女以償急止之還其券隨爲其女擇壻備奩而遣之朱有他負聞一枝之義皆置不問其妻得守薄產撫遺孤一枝之力也邑地窄民稠

稍有隙地開墾爲田園吏胥藉端勒陞或坐以隱漏罪
己卯秋請於邑侯李公始得循例編示以除積弊李公
義之以襄治惠農扁獎

葉志稿

應俊字次白縣城太平橋人性至孝父早亡事母能得
歡心母歿寢柩旁十餘年所居枕後溪光緒己丑大水
牆壞水入柩遂浮動俊撫棺長號籲天哀泣柩旋止舊
處論者謂爲孝感所致性孤子不諧於俗惟與廣文陳
殿英孝廉林雋賞廩生王穰年歷久無閒蓋以書畫相
契合也所畫草蟲花卉皆有生趣尤工寫竹或拉襍滿

光緒太平續志

卷之五 人物 一行

三十

紙或簡淡三五筆皆能令人一覽不盡終身不娶有朱

靡韓璽之風

中局訪冊

韓士良號履石高橋人諸生精醫理人稱小神農常行
醫在外一至家則求醫者接踵門庭如市於貧者不較
謝金守令皆以治病有效給扁推獎性好善立同善會
每逢市日講感應篇感化者衆嘗輯靈樞素問諸書著

有經絡傳

採訪冊

陳羲字修耕號莘農夾嶼莊人工書法筆力遒勁酷肖
鍾王嘗游學武林登張太史家驥之門太史甚器重之

咸豐辛酉粵匪陷城與業師狄星槎外翰舉義兵攻之
賊退奉學師周入城安民撫衆時韓月泉太守駐防東
陽聞其賢延參軍事途中遇一異人阻之歸下帷讀書
入郡庠旋食餼中年病故人咸惜之

採訪冊

葉榮琪號集齋江洋莊曹隲人事親至孝與兄榮球亦
極友愛母沒廬墓三年朝夕上食泣拜墓下一日欲令
家中製一拜具是夜有石自山上墜適當墓前其形修
扁可以拜跽人以爲孝心所感同治十年太守劉公璈
以孝友可風額懸於其門

陳志稿

光緒太平續志

卷之五

人物 一行

三十一

林金富字大仲邑之石塘莊人性剛直好義敢爲咸豐
間海匪郭馬熙號五槳賊聚衆橫海上剽劫客舟官兵
不能制大仲自出貲購船募勇梭巡海面商賈恃以無
恐同治初年温州府屬之洞頭山管頭等處海賊馬鼎
馭猖獗大仲督水師出沒於洪濤巨浪中力戰擒其魁
解送溫處道時巡道周愷錫嘉大仲能保舉以千總用
賞戴花翎再檄起之大仲辭以親老卒不就